

# PAPAKILO

Hawaiian Newspapers Collection [Menu](#) ▾

Translate  
www.hawaii.org

Ka Nupepa Kuokoa / 9 August 1862 / Olelo kahea! Olelo kahea!!

Ka Nupepa Kuokoa, Volume I, Number 37, 9 August 1862 —  
Olelo kahea! Olelo kahea!! [ARTICLE]

[Back](#)

## **Olelo kahea ! Olelo kahea !!**

Auheā oukou e ko'u mau makamaka, ka pili kaikuaana me ka pili kaikaina, me ko'u mau makua, mau kaikuahine, e noho ana ma Kona Akau a me Kona Hema, Hamakua a me Hilo, Puna a me Kau.

Elawe nui oukou i ka pepa i kapaia ke *Kuokoa*, malaila kakou e ike ai i na mea nani o Maleka, piha pono ka papakaukau i na mea ono, kela ano keia ano, nana ae pau ka makemake, luhi a ana i ka loa Ouwekahuna. No ka mea, ua ike ae la no ko'u poe hoa noi-  
au o ka ike hohonu o ka noonoo, e noho ae la mai Hawaii o Keawe a Kauai o Manokalanipo, e nana i na mea ano hou o na Aina e, a e hoomaha no ka nui o ka aoao. aole pela

ka pepa hoolaha ike mamua, oia hoi ka Hae Hawaii he uuku kona kino.

He nui keia he laula, he ku i ka poe hoo-puka ai, e hoonuu a ana a e liliha i ua mea he ono o na olelo oluolu o ka maka ke nana iho i keia moana hohonu, e luu a paupauaho. E i mai paha auanei lakou la, "Lawe makou nau e hookaa ke dala o ka makahiki?" aole pela ka manao ulumahiēhie o ka poe akamai e noho mai nei, he ipo kuwili keia na lakou no ka po a me ke ao, aole kanalua ko lakou manao.

Mai hoolilo oukou i keia pepa i mea hoo-lei wale ma na lua hoolēi o na opala, i mea lupe na na kamalii, i laulau paka no kekahi poe, a i mea nana wale iho no a kiola ma ka paia o ka hale na ka elelu e nana a e helu-helu mai, aole pela. Penei ka pololei loa : E humuhumu a lilo i Buke ; no ka mea, malaila kekahi mau kaao kahiko, mau moolēlo o na alii, mau Kanawai e hookomoia mai nei me na nu hou a pau.

Oia kahi manao. Ina ua noho na keiki a

**ke aloha iloko, e lulu lima mai i ke aloha o  
ka Haku. KALAAUKUMUOLE.  
*Lahaina, Maui, Iulai 30, 1862.***

This article has been automatically clipped from the Ka Nupepa Kuokoa 9 August 1862, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).

---